




山陽陸氏族譜卷之七

美哉樂山氏子之



詩

鄉飲賓冲菴公徵義四言古詩十首

其有序

潘

垣

河南巡撫

其一之

天災流行歲用弗成羣口嗷嗷等死為盟  
健是鬻是如獲更生詎曰嗟來永有令名



給序曰天災流行美施粥也時值凶荒饑  
天饑薦臻顛連待哺者繼踵於道翁乃設  
粥以食之活者甚衆其有得於調恤之  
義者矣

其二

相彼顛連若恫乃身余身尚可而矧伊人  
岐黃者流庶以究仁天用佑之壽域偕臻  
山陽給序曰相彼顛連美施藥也君子之心疾

痛疴癢舉切於身民無天札實其願也  
翁持已試之方而獲效甚多其與斯人  
咸臻壽域矣

其三

道殣相望俾我心惻掩骼埋胔古訓是力  
我募我遷豈以爲德遊魂何之遄此歸息  
序曰道殣相望美義阡也天災大作民  
命無依枕骸遍野翁實憫焉遂爲義阡



以掩暴露其亦庶乎澤枯骨者矣  
其四  
畢方倏見邑人之災奔顛皇皇亦孔之哀  
饔殮靡謀于時畢來乃解乃推虐燄若回  
序曰畢方倏見美施粟也時回祿煽災  
相延甚衆饔殮無藉誠勢迫而情可悲  
也翁於是咸散粟以濟之所謂救災恤  
患之義翁其有焉

其五

南有喬木其下有蘿颺風且暴傷如之何  
薄言締之如彼斧柯維君之故似續孔多  
序曰南有喬木美助婚也男有室女有  
家人之至願存焉翁於貧不能婚者而  
各助之以成其願其亦庶乎無怨曠矣

其六

在昔作贖懸罄謂何淹滯圜扉敢曰政苛



世無平仲越石繫羅睺言解驂與子孰多  
序曰在昔作贖美代贖也陷於刑獄誠  
可矜焉無力以贖猶可憫也翁乃代爲  
之贖縲紲之拘庶其免夫

其七

誰謂河廣有軌弗濡誰謂塗傾何天之衢  
于游于教爰得我須遵我王路賓旅無虞  
序曰誰謂河廣美修橋也橋梁之利以  
通往來傾廢弗修行無濟焉翁乃毅然  
捐產以修廢墜則人不患於徒涉矣

其八

羸餅有占往鳩爾功沸彼寒泉至誠攸通  
湘之沃之里閭來同九軻之戒式惟厥終  
序曰羸餅有占美甃井也夫井以養人  
爲義以壅以滯用弗利焉翁乃甃之以  
通其利其將養人於不窮矣



其九

哲人云逝尚獲我心爰有廟貌振我儒林  
惟時肯構堂奧可尋清風振古長淮之陰  
序曰哲人云逝美繕祠也建祠立宇所  
以表英烈於往古而振風化於將來者  
也廟貌弗新義寢微矣翁於先賢祠宇  
咸葺而修之見之者自生敬畏焉

其十

川泳雲飛羣生成殖忍者何慕且釣且弋  
涸輒回波樊籠振翼余本忘機物亦自得  
序曰川泳雲飛美放生也飛躍自得物  
之情也釣弋加之生斯戕焉翁乃鬻而  
釋之活者萬計其愛人之餘恩又有以  
及於庶類矣



鄉飲賓冲菴公徵義五言古體十首

蔡昂 禮部侍郎

其一 美施粥也

空有紅珊瑚盈盈高數尺持之博村酤反  
為農父搯念茲荒歉歲萬口將安適不見  
黔婁子輕盡五侯宅

其二 美施藥也

直北淮陰道上接碧雲峯峯頭何所有離



離多古松松根白茯苓味若春耐醲采之  
起疲癯飄渺烟霞蹤

其三

美義阡也

貪夫徇財貨捐生竟莫悟下士戀名爵  
滔滔不返顧蒼山敞巖洞孰能棲烟霧  
翁有百畝園棄之埋枯骨

其四

美施粟也

高樓有怨婦嘆息當窓牖昔爲傾陽葵  
今爲含露柳柳條易摧折葵心終不朽  
賴此施粟恩飽食奉箕帚

其五

美助婚也

牽牛在河北織女處其南鵲橋未易成  
銀漢不可探卉木有連理蟲有蹙與鷦  
新人獲孔嘉感恩至再三

其六

美代贖也

避世一老子蓬頭脚不襪身臥寒山雲心



似秋潭月爲憐輕俊徒往往陷縲綫揮金  
贖其身叮嚀毋作孽

其七 美修橋也

郊祁曾渡蟻雙捷荷綸音神駒豈數有間  
世未易尋駑駘騫康莊仁哉此翁心徒枉  
與輿梁惠澤滄海深

其八 美鬻井也

井泥無禽顧修治亦匪輕乘一風步前軒仰  
見浮雲征徘徊此寒泉感歎功大成但循  
林壑性非敢薄公卿

其九 美繕祠也

英烈古有祠不是今朝殿殘甍與斷礎往  
往草中見或爲牟麥墟或爲霖潦淀一旦  
煥然新偉績良足羨

其十 美放生也

平居謝人事浩蕩無拘攪濯纓在滄浪簪



組非所榮濟生及野鳥何求千歲名不見  
古烈士慕義黃金輕

鄉飲賓冲菴公徵義七言絕句十首

胡璉 戶部侍郎

其一 美施粥也

日暮空扉未起烟花生銀海盡顛連淮陰  
幸有更生者飽德於今仰二天

其二 美施藥也

保合優游自爲多誰將一七起沉疴知君  
已得岐黃術徧轉呻吟作笑歌



其三 美義阡也

道旁纍纍草芊芊野鶴長呼盡墓田借問  
此間誰作主北風掩骼幾經年

其四 美施粟也

無情虐燄起號呼爛額相將北屋烏曲突  
已知為計晚然眉幸有里人扶

其五 美助婚也

桃有春華木有喬膏車之子自儻儻綢繆

此夕為何夕小立東風怨曠消

其六 美代贖也

風生狂狴凜霜威貫引孤城總赭衣為有  
晉公能種德秋深腐草弄輝輝

其七 美修橋也

烟平水落駕長虹却笑孫僑未樹功一聽  
流澌常活活何人朝涉苦西東

其八 美甃井也



不有工夫九韜回甘泉一脉可能開任教  
閭里牽長繡還有行人飢渴來

其九

美繕祠也

淮陰城下有荒祠丹堊更新景自奇白日  
清風千古意一番崇仰一番思

其十

美放生也

飛潛失所更生還恩若波深德若山爭羨  
輕財全物命魚銜珠報鳥銜環

鄉飲賓冲菴公輓詩

周

金

戶部尚書  
總督漕運

隱居質直好義士也不樂仕進乃小試  
其才以經營於其家家益饒裕居人任  
之舉以為鄉賓者三焉予承乏漕運時  
聞其人今見其孫胄監君律丰姿玉立  
論對恂恂欽為端士且重其家之能教  
也尋出大藩春山李公所致書并其父



哀狀請予爲輓詩春山與予爲同年且  
念隱君之家之在舊治也遂爲之短述  
以備郡誌採擇云

范蠡扁舟急倦遊五湖烟雨不勝秋青山  
落木空華表碧海澄波自白鷗棋局晝閒  
松逕暝藥闌春晚雪堂幽萋萋蘭桂馨香  
發賴有機雲慶澤流

王

軌

兵部尚書  
參贊機務

連朝可是無風雨不見雲間陸士龍塵榻  
虛留山閣影冲菴空閉土藏封清朝謾自  
歌良夕四海何人識孔融獨有湯湯淮水  
月清光常照楚城東

胡

刑部尚書

清時甘作隱君流此日逍遙何處遊得喪  
久應齊北叟聲名直欲繼南州枯枝未掛  
延陵劔宿草空藏夜壑舟身後陸雲稱善



述泣揮哀誄表先猷

朱希周

刑部尚書

處士翩翩辭故丘雲光黯慘日光愁祇餘  
桐栢當年恨空說蓬萊隔世游遺愛已能  
來巷哭高風猶足動民謳何蕃自是人中  
秀腸斷劬勞不可求

夏邦謨

戶部侍郎

庭樹驚風拂地鳴龍顛虎僕不勝情梁塵  
漠漠空歸燕花雨濛濛但落英苔鎖釣磯  
江月冷香殘舞榭野烟生泉臺寂歷晨光  
暗淮浦長聞松栢聲

楊時秀

戶部侍郎

淮南清隱客畢竟老烟霞白日鷗盟冷青  
山鶴夢賒庭前芳玉樹階下茁蘭芽遺潔  
并餘馥光揚未有涯

張袞

翰林院侍  
讀學士



未從淮海問冲菴彷彿賢名似老聃晚向  
山前看鶴舞醉遊樹下聽農談身無簪組  
堪容隱家有詩書總在男楚些向君招不  
得碧梧秋暮雨空潭

李樂

吏部文選司

淮海斯人亦足奇溪雲澗月自忘時尋常  
世外含真意七十人間有令儀天漢少微  
今忽墜松楸長夜可無悲遙心共與江流  
遠瀆絮空傷未有期

黃日敬

戶部主事原山陽令

余往歲離淮諸父老戀不忍釋陸翁意  
尤勤焉適其子上舍馳狀索余言乃知  
翁已逝矣余爲惻然賦此槩道其平生  
云

曾爲康節打乖唵七十餘年長者心三徑  
舊開芳草合一丘新築亂雲深釣磯無主



鷗猶戀華表何年鶴更臨身後也知流夢  
遠滿庭春意玉森森

徐一鳴 禮部主事

黑雲慘淡暗長庚誰道鄉閭失老成月冷  
空山愴隻鶴春歸南浦怨離蘅玄纁不應  
生前召青史誰標沒後名畢竟幽魂何處  
落定爲金玉發精英

邵基 監察御史

未識荊州面俄驚仙旆遊淒淒淮水月寂  
寂草堂秋詩禮趨庭舊箕裘奕世休此身  
應不死青史賁靈丘

趙恒 國子監監丞

淮上聞有冲菴先生賢其生也縉紳之  
士愛慕之沒也人誄之古之所謂隱君  
而子者其人耶是年冬其孫太學生律以  
其父之狀來告哀爲之辭曰



少微之居兮處士與焉晶晶垂象兮孰爲  
而然又孰爲而墜兮歲晚風前悠悠彼蒼  
兮坐喪此賢吾聞少微之隕兮其光拍天  
化而爲石兮尙在人間兮於萬斯年嗟先  
生雖死兮而名則傳

周

瑞國子監博士

老逸泉林寄隱情由來義不負生平三光  
象著章羣物萬戶人歌闢四城夢入龜茲

空寤語風吹楓夕動悲聲醪醑欲向堂前  
漬花落寒山鳥夜驚

彭士奇

國子監助教

垂老滄江白髮多芙蓉秋水弄烟波鄉閭  
舊德思難盡世外浮雲看易過淮水悲歌  
傷薤露山陽橫笛嘆臨河遙知公後多才  
俊共擬賢科入網羅

方正梁

國子監學正



無端夜沒少微星此日俄驚失老成幾度  
賓筵紆郡駕平生隱德重鄉評庭虛月冷  
悲於影野曠風淒弔鶴聲七袞年光今已  
矣漫歌楚些寄衣情

劉永賢

國子監學正

短筇已謝淮南隱庭戶惟餘哀壑光深夜  
月明遶鶴語故山雲盡紫芝長白蘋嗚咽  
三湖水黃草悲涼二月霜徒向江南望江  
北執鞭無路起嵩邛

方

清

國子監學錄

淮陰今古幾豪雄好客曾聞處士風洞口  
採芝山月皎竹門騎鹿海雲紅文章教子  
華昭代几杖當筵揖上公白首歸全無渺  
渺百年風木思何窮

胡

薰

鴻臚寺序班

春花凋盡殞遐齡人世還同萬化形香山



洛社風流寂指點冲翁舊草亭

又

乾坤俯仰一虛舟老去寧餘身外謀回首  
當年招隱地白雲愁色滿滄洲

梁珍

寶慶推官

平生高誼重鄉邦杖履徐徐獨晦光子姓  
有文能繼志家聲奕世遠流芳

潘塤

河南巡撫

富貴果在天積善食奇報載觀貨殖傳爲  
富亦有道陸翁承先德勤儉身允蹈人棄  
我欲取人取我弗好化居金披沙鍊事米  
出糲三枵屈豪貴一笑化強暴晚節重斯  
文門閥襲儒號衣冠滿胄監小子亦有造  
賢哉郡大夫讀法陳三誥雍容拜飲時翁  
也有加勞嗟嗟大數奇索索元精耗春歸  
花亦殘身老年未耄人間事已非泉下路



須到共惜素侯榮不愧雙旌導

蔡昂

禮部侍郎

惟我陸冲翁福壽真人瑞立身孝友全與  
物忠信備勤儉謝紛華謙恭絕矜肆藹藹  
一腔仁慨然樂施濟遇事有先見人多羨  
其智德能化強梁義足服貪戾有善卽爲  
揚見惡每相諱恩撫諸猶子異財還共利  
純哉鄧公心允矣龐翁志繩繩子及孫奇

特皆良器胄監致身榮門庭日增熾翁年  
七十一身心何所累皇上優崇老恩典從  
天至年高德彌盛郡侯隆禮致開筵挹芹  
香榮列三賓位我翁萃純嘏心願亦已遂  
正擬進霞觴俄然壽星墜訃音遠近聞咸  
爲翁流淚嗟嗟不復返徒爾恒相喟九原  
翁瞑目詒謀延後裔

胡璉 戶部侍郎



清廟有材工則度之豐芑有詒考則作之  
作之伊何勤斯厲斯惟義斯蹈匪盈匪驕  
惟道斯止逖彼聲華抱茲冲素表世以恂  
閑家惟度樸茂是崇天真孔固嗟嗟君子  
德惟弘矣業爾隆矣壽爾眉矣胤祚爾永  
矣噫嘻惟天之祐惟理之常惟人之願惟  
邦之光嗟嗟君子仙蛻胡邈芳軌靡亡陳  
詞莫罄欲涕沾裳

楊谷

通政司參議

淮城東畔古風淳土厚泉深產善人務本  
力農心是實布袍韋帶意還真陳紅貫朽  
經三世竹杖芒鞋踰七旬却是兒孫多積  
學九原異日寵光頻

楊上林

兵科給事

苧翁云往後多賢篤行名收十載前南國  
漫驚仙駕渺北都忍見訃音傳江湖遺策



凌寒雨花鳥閒情對夕烟惆悵東門山畔  
冢斷猿哀鶴自年年

張士侃  
行人司

長川逝東海白日馳高天日馳遞昏曉川  
逝何如旋朝爲林中叟夕已歸重泉賓朋  
弔故廬車馬寧能前悲風暗城月總帷淒  
以懸新阡樹枌榆永謝區中緣稟靈有賢  
哲奕世同昭宣

李中元  
山西布政司

潤屋稱冲菴三賓美鄉郡不矜而不驕守  
法更守分一朝忽云逝中壽已將近子賢  
孫亦賢儒商各思奮獨遺勤與儉可以永  
世訓

胡有恒  
廣西布政司

謾向人前數世雄先生真不與人同紛華  
未許奪吾志敦樸還看有古風積德自應



蘭芷茂勤生宜見室家豐一朝忽報遊仙  
去悵望緱山恨不窮

劉本崙

進士

昔在香山社今歌薤露中泉臺長夜月松  
路半陰風奕世渾陳跡浮生倏轉蓬惟餘  
淮上水萬古自流東

王夢龜

進士

窈窕東城隈浩渺東流漸中有哲人抱太

樸蒼蒼偃蹇冰霜姿聲騰淮海稱素封笑  
談結駟陶朱公薄衣菲食樂在中欲餒晉  
焚真豪雄不列到氏鼎不擊張里鐘任公  
守織嗇閭里敦龐風握籌朝夕鮮宮宇性  
耽那覺年數終圯道履平真丹碧輝琳宮  
恒沙種福食報何隆隆綿延子若孫匪直  
膺其躬乘化倏云徂眷德思無窮靈爽不  
可卽綽約蓬萊峯



吳承恩

淮海雄盤地千里襟喉南北開江湖生賢  
產雋贊廊廟青雲綵筆飛鴻都淑靈隨事  
有魁傑治生未必非良圖翁家本由勤儉  
起仰窺天時俯人理調度元通用世機遺  
華更得傳家體鼓鐘和鳴深學宮賓筵秩  
秩生清風羨翁深幅映尊俎交禮遂與邦  
君同謁來一夢驚何遽海上人傳見仙馭  
宰木高原送夕陽正是行人指碑處

張澤

達人穎悟太冲理翼翼謙虛守此菴壽富  
鄉評知百福巾紳庭訓見多男七旬日月  
驅輕轂一夕風霜折老楠樸素承家思舊  
德紛華勘破道斯南

馮景昌

騎鶴飄飄上玉京  
蔦蘿縈處失耆英  
巖明



教子書千卷勤儉成家金滿籬寵渥鄉賓  
承聖典恩周里乏播仁聲他年國子榮封  
誥未必光埋處士星

梁松

淮海名流羨大家腰纏萬貫去途賒性耽  
質素崇吾儉事謝紛華厭俗奢周楷自興  
貧鬼思修衢應動路人嗟百方燕後詒謀  
遠陸氏堂前日正華

張景

東楚陸冲翁林泉真隱逸世人競奢華翁  
獨尙樸實仗義拯顛連到處行陰隲秉得  
五福全彼蒼默相吉運籌貿易心家道遂  
殷溢習靜養大和壽登七十一鄉薦列賓  
筵恩隆禮更秘春風具慶堂斑斕舞前膝  
一桂志凌霄芝蘭森玉茁新霜昨夜飛椿  
殞少微失仙遊芙蓉城青驪去何疾嗟予



老辱知聞訃淚如湍欲題勤儉箴安得春  
秋筆佇待子孫榮封章應有日  
吾淮貨殖多陶猗陸氏方今壓衆流禮讓  
夙敦融世態聲名隱起遍交遊海鯨身化  
隨川至巖柏材成作棟收見說衣冠綿後  
胤不妨烟樹鎖荒丘

安洛

真松出澗壑風聲聞四方閱世八千春獨  
秀凌風霜太宇流玄化仁顯用乃藏蛻脫  
蛟龍蟄雨露流春肪餘青染深林下有蘭  
吐芳耿光照幽闥悠悠揚國香





抄本... 幽園... 香...

... 春... 青... 綠... 木...

... 太... 字... 立... 斗... 賺... 天... 難... 勉... 氣...

... 真... 林... 出... 郎... 空... 風... 落... 四... 女... 開... 對... 八... 千... 春... 歸...

賈太學璧豐公輓詩

長洲文徵明 翰林院待詔

西望淮陰落照中  
傷心玉樹隕秋風  
流傳

道義猶鄉社  
太息聲華在  
辟雍  
身世百年

曾未滿風雲  
萬里遂成空  
白頭不惡無從

涕嘗見龍溪話  
璧豐

豫章萬 恭

西風一夜入郊丘  
萬畝黃雲落素秋  
新壠



陸士方詩  
不堪終日望最憐淮水逝悠悠

竹泉聞實

璧山藏秀氣豐水涸清流太學賢名在淮  
陰野史收空懷千里志斷望百年秋春似  
憐遊地和風歲一周

閩人林滋

淮海驚豪俊仙遊竟九原束書來虎觀高  
價擅龍門夜月廣陵散秋風金谷園無由

起良執爲賦一招魂

白下殷邁

北海曾談劔南雍舊曳裾浮名空擘擘幻  
夢總蘧蘧霧隱阡中樹花殘閣上書惟餘  
淮水月獨照子雲居

少洲馮惟訥

陸機五十謝人間儒雅聲名世共傳門閥  
尙存吳四姓文章不數晉諸賢華亭白鶴



空餘思洛下青山已斷緣  
欲向淮南賦招隱桂枝雪落不堪攀

中石呂懷

甲子年年度海濱酒盃時入放翁唇  
慈烏昨夜城頭泣爲道看花闕五春

石城許穀

淮海飛聲久賢關振藻新  
文疑士衡後德與仲弓鄰  
花月韓山曲風烟泗水濱  
談玄

渾入室問道了知津  
泉石思投策雲霄擬致身  
如何覽玄化遽爾謝紅塵  
夔落身終訕淒涼歲在辰  
賈庭傷鵬鳥蔣逕鎖松筠  
燕寢香猶在琴堂迹已陳  
宅邊稀問字河上罷垂綸  
長夜羲輪暗空山宰樹春  
楊朱雙下淚桑扈早還真  
黃壤悲前夢青編屬後人  
山陽聞笛處爲爾一沾巾



不厭、來原早、  
士氣盡餘、  
濟靈香、  
精、  
其人、

太學璧豐公元配梁孺人輓詩

范應期  
翰林院修撰

阿母閨中彥名應內則看持身惟舉案裕  
後有和丸堂背悲萱草堦前足蕙蘭令兒  
式慈訓典禮重朝端

袁尊花  
吏部郎中

婉戀淑質闔儀修彤管徽音早歲流忍見  
貞期託黃鵠還看慈德比鳴鳩撫孤肯墜



傳經業裕後真語式穀謀皓首全歸復何  
憾百年同穴此心酬

莫如德

戶部郎中

賢郎太學昔從遊聞道休聲邁女流孝敬  
矢心敦節義詩書教子紹箕裘揚名方遂  
三遷志化鶴俄驚一夢愁淑德由來終食  
報還看鸞誥賁松楸

錢藻

禮部郎中

淮壖鶯遷到上林故園閨閣總關心懷夫  
不盡瀟湘意教子欣看皂蓋臨月落杼空  
秋寂寂燈殘屏冷夜沉沉最憐芳草彫零  
盡回首松筠鎖夕陰

周鐸

兵部郎中

寂寂掩慈闈鸞書未見歸秋空沉玉珮夜  
月冷仙機林下風何在天邊雲自飛三遷  
遺一孟陟屺獨依依



曹子登

刑部郎中

栢舟賦共姜班姑贊續史誰云曠異世于  
焉繼遐軌阿母本名閼結襦奉君子名齊  
陸雲賢居世淮陽里遶膝鳳雛承家鴻  
臚美共仰婺星光遽料萱草靡鳳凜杜鵑  
悲月沉莊蝶起陟屺涕空懸懷橘情何已  
白雲悵望中玉佩虛無裏繁露滋松楸光  
榮今日始徑上林苑唐維城工部郎中  
彤管遺編在秋風夢已非萱花彫玉質薤  
露濕羅幃無復斷機教祇餘泣杖悲他時  
彩鳳誥知向九原歸

楊雲鵬

戶部司務

母心蚤歲警雞鳴冰玉清操矢不更解珮  
已成夫子德和熊今錫後人名古稀未及  
猿啼切祿養無由鶴淚盈我願仙郎攄盡



赤佇看紫誥慰幽靈

張人煒

大理寺司務

聖代崇名教深閨淑德全  
淒涼垂總帳想像奉栢椽  
母有斷葱訓兒多懷橘賢  
他年采歌詠願續二南篇

童天胤

大理寺評事

願識仙郎面詳聞淑母名  
相夫成鳳叶課千佐鴻卿  
霞珮期新綯雲輶忽遠征  
悲秋

多宋玉風木豈勝情

鄭一信

行人司

壺闕爭傳截髮賢膽丸冰蘖誓三遷祇知  
聖藻榮鸞誥應有名儒續史編捐館忽驚  
歌薤露弛粧重惜掩金鈿立堂趨走傷心  
地震悼慈容一惘然

許無初

太僕寺主簿

璧豐自是山陽彥地下修文已廿年  
贏得



中閨清節在半生何負栢舟篇  
慈闈永抱孤貞操令子方稱茂異才早晚  
天衢看矯翼恩光無限賁泉臺

解蘇靈賦持重計新金文文彭

國子監博士

伯鸞苗裔孟光賢况復平原世澤延婦道  
母儀應不忝從夫教子有誰先乳烏夜月  
偏生感寸草春暉亦可憐待看佳兒成志  
日鸞章會見賁重泉

且悲與風木因應思蔡應申

太僕寺丞

平原派出家聲舊壺範無如阿母先訓子  
已通朝仕籍傷夫誓效栢舟篇芳名久溢  
鄉間譽淑德應多太史編聖代具今方孝  
治鸞封早晚下重泉

姚文淵

鴻臚寺序班

俄驚淮海婺星沉痛惜賢媛秘德音截髮  
每留高士駕斷機無媿古人心孤燈總帳



冰容在古栢高原露草深擬待仙郎宦成  
日紫泥丹鳳下雲林

廖文光

江西廣信府同知

誕育梁鴻族長聞德曜賢歌殘睢鳥什讀  
遍葛覃篇巾悅年方及蘋蘩日采鮮母儀  
追陸續子學比韋玄早入庭臚選將登祿  
養筵縞霜摧玉樹薤露溢瑤天腸斷烏枝  
月悲連風木烟酬恩惟紫詔取次到黃泉

陳芹

江西奉新知縣

我聞淑人行無缺半世未亡稱一節斷機  
教子已成賢懷橘猶慙報洪德青衫通籍  
侍明光鼎食方期樂未央豈知千古長淮  
水未比君心抱恨長

鍾一倬

搖落西風起沫蕪高堂雲暗月沉湖方期  
翟服新綸重忽訝梧捲舊澤孤繡幙悲添



陸氏族譜  
卷七  
春至燕瑤琴愁聽夜啼烏陸機知報終天  
憾會見追封下帝都

康一俊

翬掩瑤光欲暮天北堂蝶夢惜當年江淮  
蘋藻因時薦胄監英華賴佐賢母範和丸  
成趾美承顏束帶足光前未央三釜悲風  
木更待綸音賁隴阡

文遷

陸母閨中秀持身有令儀相夫修內職教  
子仕明時感淡風木慘望斷白雲悲欲報  
慈親德行看紫誥垂

胡松

丸膽深知以義方佳兒今已侍朝廊幸聯  
姻締來京邸忽送靈輜返故鄉淑德允宜  
垂壺範清操端許共冰霜賢聲籍籍鳴淮  
甸青史無勞數衛姜



周天球 貢士

萱萎堂陰夕蘭凋林下風賢明那復見慈  
教更誰同表玉青山暮藏舟大壑空何人  
似劉向彤管賁玄宮

王有翼 太學生

天上婺星初墮夜林間杜宇泣三更相夫  
幹蠱生前業教子封丘死後榮黃橘從今  
空置袖玉中始得慰同城淮陰自古多賢

哲芳譽猶隆陸母聲

盧德潤 京兆學生

世稱陸績能傳業我獨推尊陸母賢守志  
無瑕持一節義方有教重三遷歌殘薤露  
心猶切聽徹慈烏夜不眠幸得佳兒名可  
繼佇看新爵下黃泉

朱無沐 漣水學生

身寄京華白髮新宜家種種事堪陳風雲



有子承恩近桑梓無端入夢頻落日萱花  
凋古砌西風旅櫬返淮濱通家感德懷思  
處高塚年年草色春

閻朝璽

國子生

栢舟辛苦嘆孀居教子成名入仕初彩鳳  
丹山方振羽青鸞蓬海忽傳書斑斕起舞  
春宵寂機杼停梭夜月虛遊子歸來情慘  
慘黃昏誰復倚門闔

顧有岑

京兆學生

阿母仙遊今幾年隧旁勒石着生前曾聞  
掩鏡良人後共道趨機稚子先老樹夜深  
猿嘯月高封雲暗草連天賢郎指日登朝  
籍紫誥應知賁九泉

蔡翰臣

郡庠生

一自夫君別孤燈二十年白頭貽令範彤  
管續貞賢機寂月空照堂虛燈尙懸啼鳥



聲更切欲聽轉淒然

趙自全

太學生

霜凄萱萎夜空深月冷烏啼思轉沉聖善

獨能追古調孝慈誰可繼徽音廿年冰蘖

宜家操萬里雲霄教子心江上西風吹素

幔歸舟遙指故山陰

梁楷

漣水庠生

石頭城上夜烏啼黯淡疎林月影西梓里

桑麻悲母氏龍江烟水返靈輜旅魂應逐

霓旌遠懿行新鐫太史題哀思不堪聞薤

露愁雲慘霧路淒迷

金鸞

山人

曾將懿德助清修三十年無內顧憂一自

柁捲遺口澤尙留機杼在牀頭鶴軒並駕

星初曉鳳穴深藏草又秋莫道未能霑祿

養馳恩定擬賁荒丘



養恩未逮總幃空凋謝傷心失女宗漫道

段炳

馳恩未逮總幃空凋謝傷心失女宗漫道  
薤歌悲曉露由來萱色悴秋風樂羊斷織  
心俱切仲郢和丸事可同不有鸞封賁身  
後仙郎何以慰哀宗

允德公倡義建昭恤院詩

潘 塤 河南巡撫

東來海氣鬱葱葱義路掘趨有士風疾思  
久縈昭恤院夢魂忽斷逍遙宮獨憐三鼎  
違親養不愛千金報國忠長夜漫漫何時  
曉芙蓉城裏月朦朧



興美春城... 數時春不... 入榮... 東來... 大... 南... 風... 三...

新日 誥授奉政大夫密菴公壽詩

林良燮 聞雲雨... 聖代涵元化御極履天中詩書文在茲禮

樂教逾崇淮甸挺偉人百代紹宗風宗風

曷云紹大道秉厥躬我嘆古先民追琢金

玉工今茲仰高山嚮往知所宗 出闕... 在昔鼎命集佐理需才賢 夫子承際會

策獻天人篇賜宴出尚方拜手承明前學



至治必顯器大用乃全出牧奏異績司寇  
政復宣乃知棟樑任匪惟一職專承制會  
天子顧南服命我侍從臣持節出閩海式  
士範羣倫文章體一變風俗道還淳憶昔  
有唐代茲土教方新一自經干戈古道遂  
云湮正則慨莫覲振起惟哲人

岱宗高匪極江海流湯湯山高潤雲雨柯  
條日以昌細流入滄海滙爲百谷王躬行

勤訓迪英俊咸登堂爨也最下才得列弟  
子行溲勃收不遺造士良有方  
姬公制禮樂燮理冠周才傳說起徒步輔  
商作鹽梅泰堦蕩復平時雍風以開盛王  
有良佐我公繼其來光運茲復啟閩闔  
待持裁四方日望治弘化崇三台

大人經八極元氣蘊星精長年洽化理久  
道開文明日月繼升恒運序流無停休軌



出清時名世爲國楨賡歌際明良壽考康  
羣生翼周歷四世茂烈觀厥成

新刊書目卷之十 下 一 整

夫子今名世端逢五百秋道風三代御元

氣四時游譽望光朝野聲稱訖溼陬文章

家二陸鐘鼓地三洲旣負中條秀偏當午

運休麒麟摩寶誌鳳鳥叫岐州直節形蒲

穎丹心比石榴服官初作牧練事總升猷

境內無閑馬田間悉佩牛浚儀遙繼晉新

語再安劉遷轉雲曹入低徊雪獄優明刑

饒淑問職教更何尤帝謂閩衿困公來海

服瘳使旌瞻動色士礪喜無愁氣矯東西

漢經蕪大小歐遂成齊魯變務與偃商侔

六載鑪錘熟諸生俎豆留文爲天下式法

取萬年由汲冢傾楮購鄴籤解帶蒐搜奇

嘗博取嗜善每旁求片藝歸陶鑄微涓赴



井收不才如樗櫟蓄意欲雕鏤自荷公函  
蓋長謂我覆幬芳菲依絳幄丰采託仙舟  
草浥春膏綠渠深玉水流頌聲連八郡師  
表肅諸侯不日黃綸下朝天赤鳥修百城  
將繪畫六合尙盧牟松檜當天聳江淮注  
地悠應星商賚傅降嶽甫生周竹葉天中  
酒荷花水上樓安昌多女樂須遣此時謳

林榛

閩天當夏五榴火吐芳辰一代推敷教千  
秋頌降神譽髦弘樂育小子荷陶甄此日  
瞻依願伊余意獨親

道重人倫表生當 聖代時鴻文歌有斐  
衡鑒秉無私洙泗宗風遠關閩統緒垂起  
衰千載事海國永謳思  
淮海才名早當年說士龍詞源三峽瀉道  
範八閩宗廊廟資霖楫勲庸待鼎鐘壽身



兼壽世不待問華封  
多士儀刑日三山  
朱夏時薰風清省署  
佳氣溢江湄綺席供  
瑤柱珠盤劈荔枝何  
須求異果火棗與交  
梨  
起衰文百代立雪士  
分行道峻冰壺冷心  
澄藻鑑良染衣沾柳  
汁稱爵及蒲香試問  
諸同祝許誰詩賦長

鄭小磊

天中令節值芳晨  
祝頌聲遙徧海濱  
桃李幾年培爛熳  
蘭花五月發清新  
絃彈絳幄薰風入杯  
泛高臺耐酒陳好借  
蛾眉初月色暫時留  
賞在甄閩

山陽夫子起吾文  
海國宗風處處聞  
天意自懸平格壽  
聖朝明見簡書勤  
還瞻紫氣通南極  
卽待皇華入五雲  
獨有酬知門



下客惟南歌獻各紛紛  
使車歷盡擬朝天總道春歸別去船豈意  
災荒留化雨更逢佳節祝長年鳧飛且趁  
閩人俗美賜猶遲漢主筵體物順時調燮  
在辟兵那用五絲纏

無才祇合老明時真愧師門國士知驅策  
欲教下駟走疎頑終被楚人疑詩聊獻壽  
無佳句筆漫鏤恩有口碑水鑑况兼冰作

操玉壺何假玉爲卮

秣陵佳氣射陽邊申甫茲生德業賢譽比  
俊厨當命代文齊山斗起閩天遜才已到  
燕臺駿吹火猶繙祿閣篇雲漢試從今夕  
望三台應曜璧垣前

五月清暉漾絳紗皇華使者度年華人間  
事業看雙鬢海內文章見大家晚直鑪燹  
思畫省南遊旌節繞天涯雲霄桃李公門



盛前席何如禁苑花

南來道統何人接夫子生當繼續時已擅

機雲文賦作更叅朱陸異同疑舟車到處

存遺學祠廟瞻時見所思下邳素書虛夜

約宗師詩有書約圮橋之句此心今是帝王師

門庭幾度坐春風咫尺何如近馬融鑿洞

冰壺誰得似懷虛白屋自無同敢云馬在

驪黃外止幸名收夾袋中獨愧疎庸逢賞

識歌恩借願半焦桐

陳夢瑩

薰風桃李絳帷前滿汎蒲觴祝大年恰值

羲輪當永日尙留星駕未翰天石芝仙嶠

方應授沙雨閩邕澤自傳共擬黑頭中鉉

望服章蚤已兆三鱣

王夢龍

海濱得沐使車來桃李門墻幾度開永日



正懸光綺席薰風初動拂金杯七闕道學  
欣垂範八代文章賴起衰遙識 聖朝崇  
教化還瞻紫氣在三台

菁葱庭際樹初移忽喜懸弧正此時五月  
文昌分繡祿六年鄒魯得名師籌添碧海  
飛濤燦杯進青峯入壽奇天下蒼生望霖  
雨絳紗親祝九如辭

鵞湖自昔仰名宗道德忭於此日逢鞭策  
未嘗遺下駟執經應得附登龍何期教澤  
培千載更緩星槎入九重寫幅丹青長頌  
祝芝蘭惟願傍蒼松

蕭 震

老人星見耀文昌節近中天日正長美盡  
東南歸藻鑑題傳甲乙外驪黃方城曾叶  
三刀夢粉署尙推五教良閩海喜瞻山斗  
近祝公同進紫霞觴



方開鐸

咨命名儒作學臣宗風八代起全閩帳中  
得句皆珠玉門下稱觴半鳳麟烏石彩雲  
凝壽幄鰲峰旭日入佳晨浴蘭此際持何  
祝擬把金盤角黍陳

林之蕃

閩海璇衡水鏡懸風雲淮甸玉麟仙瞻崧  
秀拔來申伯起代文明會午天臬府筵前  
三壽爵河汾帳下九如篇野人何語堪持  
祝北斗高橫是大年

王若羲

如海才名壓上都曾因入洛識鴻儒看花  
何幸陪車後負弩還容謁座隅鵬鶚培風  
橫勁翼魚龍媚月鬪神珠家傳自有荆山  
術不羨仙人九節蒲

林先春



虞陞卿雲歌復旦瞻言嘉節屬中天心懸  
冰鑑無私照座暢春風舉欲仙天下文章  
莫大是古來申甫有繇然應知不朽稱三  
立端揆徵倫孰與先  
才高八斗重文章帝簡南天緯七襄常袞  
造閩推國瑞敬輿得士羨家莊春風帳暖  
栽培大藜閣星輝闡翼長海岳生申逢午  
運青蒲翠栢好傳觴

林鑄禹

淮源浩衍鬱奇章北斗昭懸接漢光珍數  
珊瑚歸網納儀瞻喈奉仞毛翔春風絳暖  
千桃實雨雪寒凝翠栢將最仰辟雍基化  
盛弘開鐘鼓坐靈長

陳軾

苜華香發近天中此日生申紫氣烘理學



從來推子靜忠言久已屬宣公荔陰亭畔  
紛桃實仙島雲邊傍藥籠共說龍門羅竹  
箭南山頌遍頽林宮

驚代才名霄漢間鴻文挾藻當書斑專城  
績著冰清誦赤棘祥流玉立班閩士朝宗  
欣到海常公大業看藏山枕中奇秘皆丹  
訣何事菖蒲煉九還

薛澧

衡持海嶠動雲驂講席還看兆鱸三象畫  
西曹尊定國麥岐襄邑思張堪翹瞻斗際  
星輝壁正值籌添日在參籠鶴同將黃雀  
放於今夫子屬淮南

孫昌祖

鍊得江心水鏡披高懸南國吐光儀枕函  
鴻寶摘青簡掌曜驪珠映絳帷化雨李桃



庭薦實出雲嵩嶽夏呈奇作人壽考椒聲  
盛霖楫朝端正待施

林儀鳳

閩海如今已不波文章有氣息干戈鵝湖  
宿學傳梭圃南越新篇服尉佗節近端陽  
依化日人居淮水見清河泮林從此懷音  
好願祝吾公色笑多

陳鼎

承成琬琰語猶新水鑑宏開映海濱運啟  
天中欣叶午雲高嵩頂慶生申藜然芝閣  
燈傳士月鎖龍門鶴近人咸醉薰風歌雅  
化網多麟鳳獻楓宸

林文輝

曾伴燕堤柳色溶十年烟雨望高峯中州  
裝滿歸船石濱海蒙開曉殿鐘月白三山  
觀斗象風流千載重儒宗聊從采藻羣英



後野服欣瞻盛德容

何其智

含香仙吏下崆峒石鼓峯高望祝融共指  
奎星垂斗北曾傳瑞節麗天中宮商舊按  
秦淮月詞賦新開嶺嶠風自是文章能壽  
世一時士習重歐公

陳子達

共推雄藻敬輿流得接清標慰溯游太史  
占雲曾五色使君擲管自千秋歡聲初振  
閩南鐸瑞氣還添海上籌佳節正傳長命  
縷青樽綠帙映丹榴

邵伯胤

天簡文星作使星函關佳氣倍葱青淮南  
久屬登龍望冀北新傳相馬經凝碧瑤池  
桃正熟垂紅玉海荔初馨園橋億萬躋堂  
祝廿四中書上考齡



林崇孚

盈蹊桃李媚霞筵九節蒲生五月天鄒魯  
大儒韋氏學機雲逸句泐中賢鐸懸似覺  
宮墻峻文在寧憂雨露偏自掃雛兒猶穉  
劣龍門辱選媿青錢

牛麟生

漢庭經史在淮南臯比今來廣席談千里  
銀符曾化蜀八州門地共昇籃蓮花綠沼  
吟詩靜榴火清堂作賦酣爲頌高山鐘鼓  
響坐聞新語似桓譚

林日光

晉代傳來學尙新方今嶽嶽表文臣千秋  
史眼懸雙炬百尺樓頭俯萬人藜照誰能  
分半席丹成且欲造全闔知公不朽惟三  
立封祝猶嫌淺擬倫



十年奏議並宣公未許停霞一贊同山斗  
有聲驚海內虬龍得雨上江中應知天地  
原無際爲接鷺湖已不窮采采蒲根多九  
節登觴共映石榴紅  
薰日榴花照綺筵  
遏雲璈瑟動長天文光  
射斗連南極海國垂模占大年源接鷺湖  
鴻冶近丹傳鉢嶺鶴翎玄盈門桃李春相  
豔石上蒲還九節妍

陳聖泰

金陵劒氣鬱淮陽粉署含香出大方榴護  
絳紗紅奕奕蒲搖翠蓋綠蒼蒼曲江宴待  
曾叨侍閩海經傳復在行極目五雲深聚  
處遙知麗藻映霞觴

林榛

官署芭蕉一綠天蕙蘭五月紫花然山陽



夫子方觀物堂滿薰風日似年  
夏五懸弧五十翁作人在在遍光風七閩  
門下三千士遠近參差介壽同

誥授奉政大夫密菴公督學贈詩

鄭 磊

大道無古今經行天地間  
泗洙洪源流孟軻柱狂瀾  
不傳向千載荆榛誰爲刪  
灑落周濂溪仔肩良獨難  
琅琅振微響乃得雒與關  
紫陽揚金聲罅漏始葺完  
夫子起山陽持節來閩端  
夙懷探道志神契斯往還  
瞻祠溯淵源得集忘蹄筌  
龍溪錄旣辨太



極圖靜觀官署若貧居水飲瓢與簞庭草  
 交光風深翠被曲欄傍簷日展書編絕忘  
 在官良辰寄咏嘯樂趣尋孔顏願言引諸  
 子道學時盤桓  
 簡書豈不懷校士責已寬愚生晚自棄誰復  
 訂我頑何階賜函丈至教聞杏壇程雪立  
 頗深周月弄成權樗櫟辱見收重贈琅與  
 玕歸途携異珍閉戶藏獨看古風追頌那  
 寧數大小山夫子旁通藝宗師誨語詩學  
 乃旁通之議  
 其妙亦已殫道深器全邃性定才自閒皇  
 皇訓士篇

先聖道以閑用茲答

帝簡職稱心乃安以此抗師席庶幾焜後先  
 常袞與吾文俎豆尙千年先生接道統尸  
 祝疇不然賦詩埃觀風冀為天下傳

高 兆



洙泗日以遠斯文誰扶衰閩南本道脉儒  
賤久難追大哉吾夫子淮海起中砥淵源  
爲已任衆流爭歸趨秉道治東南化澤盡  
被茲中庸不偏倚忠恕絕他岐鳶魚自浩  
蕩風沂亦詠辭小子少師古章句爲世嗤  
夫子蒞茲邦造士誓不遺皇皇閱困抑予  
首遭殊知旣同郢璞握還以南金施循循  
曰可教詔之出處私嗟予小子愚何以慰

前期引領覩位業長與聖賢垂

陳錫疇

夫子淮南望青雲早致身含香移粉署建  
節陟朱輪經術膺三事文衡典八閩欽哉  
名教重允矣作人新手植皆桃李心期得  
鳳麟四科歸樂育百代仰陶鈞道更滄洲  
遠宗傳白鹿真文章持運會學業本天人  
曠度冲堪挹春容萬易親願言周雅化盡



播越臺春夏五鍾奇氣端陽覽揆辰采詩  
維嶽獻祝嘏自天申多士升堂盛諸儒習  
禮彬山川增氣象霄漢動星辰馬帳名逾  
迴龍門峻絕倫敢隨稽古後獲奉誨言頻  
縹緲依仙旆遲迴戀席珍寸心滄海隔長  
此勒貞珉

林榛

閩中文教洽天上使星回憲府高牙盛薰

風肅鷓催節從京邑去舟向岳江開六載  
歸陶育三千屬剪裁寒巖先得暖古木已  
逢雷理璞知和璧探川捧蚌胎孔章瞻紫  
氣伯樂辨龍媒拂拭生殊態吹噓盡異材  
文名今北斗譽望早三台筆似雨風至思  
同江海洄夢懸秋署日夫子從刑部  
出督閩學詩滿  
越王臺矯矣凌霜雪温如過玫瑰中懷恒  
耿耿大度更恢恢節比新生竹醇如久釀



醉起衰原比愈全德却同裴洛下宗風遠

閩南吾道來里過楊李處

夫子過龜山延平故里皆有詩

學解陸朱猜得意弄明月觀心探早梅有

言皆典則無行不崔嵬藻鑑掄多士甄收

及不才名居異等列

榛歲科試蒙錄壹等前列

身愧四

科推閒數龍門雋多掄虎榜魁

丙午元魁多夫子首

列羣英聯玉筍小子滯麻線

時榛未與省試

舊翼

傷遲暮早棲總草萊幸同桃李樹均荷昊

乾培請益常函丈問奇兼酒杯甘為伏櫪

驥翻作更然灰畫戟忽云邁清言難久陪

王程相急促士意各徘徊皂蓋臨舟次青

衫立水隈銜恩心未已感遇思難墮岸柳

迎征棹山花拂別屨教思真美矣化日信

悠哉學海寧能測冰心不受埃白雲停畫

省卿月映三槐僉謂調宜鼎

皇將卜以枚嘉名書黼座清譽遍寰垓獨有



皇門墻士依依憶綠苔

會戰且如三跡會晴晴鄭鼎磊

五百當名世山陽起大賢瑞分王氣合書

受帝師傳圮橋即公舊里一舉登高第知名已妙

年謝公麾出守申伯降于宣三異聲非添

公曾守裕州交章薦總先

帝懸黃閣待司超白雲遷自昔皆才子明前後七

子多歷刑部公今應此員惟明姦宄服大畏德

威全四海須文教均差點

御筵星輅同計日雨化入閩天衆仰龍門上

人誇馬絳前千英逢教育萬象賴陶甄緬

想微言絕殷憂至道懸孤危方獨力負荷

極仔肩辨入微茫裏公有辨龍谿語錄詩途分舜跖

邊公有舜跖公途圖先祠崇結構聖業勵哀編公割

俸修紫陽諸儒祠宇翠護庭空草紅艸小沼蓮陸朱

同豈異關洛迥能聯尙有遺珠嘆詎將老



馬憐窮途加剪拂末技與周旋階下廷

茂樓中質鄭玄懷虛同素士公述上韋篇

廢滯幡然起負緣痛矣蠲自公來督學吾

黨免箠鞭士氣伸千丈文風暢八埏四方選本

多載俸資銷月課公刺八閩前後月課藥價給連顛

外郡來就試有沾病者公輒予藥功大彌思過公署中有思過堂

儒宗不語禪公後堂扁云屏虛無寂滅之學閑來多著述

意得忘蹄筌肅肅宜從祀煌煌想告虔公祀

先聖先儒必誠必敬雪門期久立畫節忽言還吾道

新鄒魯王程舊薊燕春江遲日轉花柳煖

風偏嬾逐啼鶯送愁隨彩鷁牽泥塗慙國

士霄漢仰神仙此去陪天仗依然拂御烟

定當蒙不次喜見入聯翩感遇知無極征

途限幾千圖南遭鍛羽何日負飛騫

鄭 磊

磊也平生負書癖珍玩無藏藏古籍戊年



陸氏族譜  
亡散丙遭焚十載長貧空憶昔此生何幸  
陸公門邀我縱觀墳典索萬卷真如擁百  
城五車寧肯易連壁賤子如行山陰道應  
接不暇動神魄飢方十日噉大牢居遠當  
春逢好客中年好道樂儒先更喜得臨關  
雒蹟讀易五十愧未能夫子先天多一畫

署中藏易  
書最廣

何事中郎悉贈書遭逢恐再人

間謫

林榛

榛也昔年髮未燥晨夕古文事探討中歲  
匏落學不殖翻慙聞道爲未早夫子理學  
大宗工驅韓駕歐揚文風公事之餘惟嗜  
古羅集羣書官署中牙籤插架千萬軸捐  
俸購來日誦讀中有人間未見籍廬廚府  
藏驚人目庭閒晝永榕陰深留連不啻逢  
異琛何幸側身從函丈問奇析義諧素心



六載官閒多逸興百氏淵源資考訂歸舟  
不載鬱林石惟此張華三十乘

林之蕃

山陽正學接諸儒道統南來衆所孚一代  
文章憑振起百年文教仗匡扶時開絳帳  
親寒士每枉朱輪訪野夫恰似建中常相  
國長留風範在閩都

林偉

常相先朝闢大風何期異代迥相同獨來  
駐節開文苑更自掄才見國工海嶽一星  
輝斗北魁衡多士祝天中久傳新語寰區  
滿待捧徵文漢殿東

彭善長

身膺簡命冠儒臣手植羣材遍七閩夜雪  
那親伊洛席春風誰快舞雩辰每從理窟  
排迷轍更向狂瀾立巨津操綱臨淵心未



鳴教言江海有遺珍

林良燮

未央簪筆紫薇臣遠捧金函蒞七閩天祿

校來書籍富石經傳與講壇新河汾將相

收王魏董子文章冠漢秦計日應承丹鳳

詔五雲高處珮聲頻

鄭磊

秣陵佳氣射陽邊夫子茲生卜大賢筮仕

一麾逢特簡建旄南出想高懸道叅朱陸

無同異才並機雲遠麗芊竹箭甄闕收欲

盡作人雲漢有星躔

卞鏊

手振魁衡柄此方使君列宿本文昌麒麟

一出中原瑞滄海真爲百谷王愧以散材

遭匠石何當峻坂快孫陽共知七建銜恩

衆他日還誰國士強



林榛

追從函丈數昏晨待月虛堂意更親命酒  
喜當恩禮洽論文倍覺性情真花間香氣  
生瑤席天外清光挂玉輪官燭半銷人漸  
醉醺知深愧六年身

崔崧

山陽夫子舊知名賦草凌雲著兩京每向  
青藜親較策時從絳幄領歌笙人如景霽  
菁華澹世有麟鸞大道榮豈令遺珠泣滄  
海更開絃網盡羣英

黃晉良

淮南著述重西京理學傳來海日明處處  
廣標遵道格家家宏放讀書聲一時義集  
文中子四海才驚陸士衡誰謂得人殊獻  
納還醇端在振奇英

林榛



思過堂中點墨無但懸雲谷老人圖閩南  
化雨依稀似五百年來道不孤

文風遍洽八閩區滄海曾無未索珠一代  
人倫高水鏡五年清操比水壺

早年賜宴曲江濱座上人人愛陸雲一日  
聲名傳海內藝林同誦夜光文

立雪歸來道遂南荒祠敗瓦幾人談更新  
不是爲觀美留此薪傳隔代參

夫子修道南祠

有宋開來二大儒曾傳白鹿與鷺湖先生  
會得殊中一姓是金谿學是朱

染翰當年筆欲髡布衣今日有言存闡揚  
潛德還誰任皇甫先生道自尊

夫子爲先處士序林

臯集

近見婁江新籍來籍中多載八閩才不緣

海國饒英雋自是昌黎擅鑒裁

婁上張觀文選天下

試文多載闕牘謂夫子  
起衰之功不在昌黎下



負笈常從函丈中豈徒一月坐春風散材  
 擁腫非無用繩墨能施見國工  
 放衙事少日偏長裊裊茶烟不斷香得坐  
 春風陪緒論陸朱同異細推詳  
 綠荔丹蕉初夏涼展書侍坐在閒堂幾回  
 請益更端後不覺花陰已夕陽

山陽陸氏族譜卷之七

山陽陸氏族譜卷之八

菽  
 粢  
 溝  
 胎


祖  
 墓  
 圖

二  
 一  
 二





向午山子








原件短缺





謂東西南北不修墓以其爲殷三恪之後  
若曲阜至今宗廟享子孫保後世以吾夫  
子爲家法詎可弗勉哉凡家廟圖輪差義  
田悉詳載俾子孫有考焉



以爲善地於子然於不語

宋去時西門外山於命差

昔由早至今不願事子然於


附東河出不知幾以其魚翅三

關家橋先  
榮圖

大黃典



向寅山申



汰黄堤





關家橋先塋墓志

繼二世祖者爲三世祖暨妣四世祖暨妣  
五世大伯祖妣五世三伯祖六世六叔祖  
暨妣共五塚焉關家橋蓋另卜地不得不  
另爲圖以示子孫凡祭祀始祖一世二世  
外展敬於此不以遠近世遞傳爲疏密皆  
吾祖也地之畝數附載祖置輪差義田記  
內按子孫昭穆另卜地者以形家言有吉





土則另卜焉魂氣無不之其依於家廟與  
依於祖阡無二我先大夫眷眷於石塘卜  
地河南與河北相望亦體祖宗之志可謂  
善繼述云

石塘先塋

圖









石塘先塋墓志

吾陸石塘先塋地近城郭岡隴起伏形家  
俱以爲吉其環抱逶遞大抵烝在生旺其  
來不知所自以行龍結穴非淺學所知也  
吾父奉政大夫府君以眷念始祖雖增廓  
數畝必以石塘爲祖龍又卜兆於河之北  
河之南皆吉故上自五世祖暨妣六世祖  
暨妣七世祖暨妣七世二叔祖暨妣共一



靠地係子山午向吾高祖暨妣大伯曾祖  
暨妣共一靠地係乙山辛向吾曾祖暨祖  
一靠係癸山丁向三處皆係祖置之田祖  
妣姜太宜人先考奉政大夫祔於右焉共  
一靠地係先大夫在日自置此外有本族  
多塚并二先叔三先叔亦在左右祔焉其  
畝數載在祖置輪差義田志中嗚呼吾先  
考之追念祖宗先遠至矣篤矣予小子不

能仰體萬一以先大人夙夜匪懈孳孳汲  
汲至有今日小子荷先大人之蔭庇繪圖  
修譜以傳以遠子孫思先大夫之庇則思  
石塘發祥之庇苟按是圖而率親率祖與  
古人創業垂統孝慈之心未嘗有二吾先  
大夫之靈其有歆格焉石塘始祖之靈其  
亦有歆格也夫





石塘河北岸九

古叙寰公无配

醜宜人墓圖







石塘河北岸八世叙寰公元配郭孺人墓志

撰石塘河北墓志者以郭孺人爲吾曾祖  
叙寰公之元配實吾先大夫之王母也先  
大夫篤孝曾王母拊育罔極焉曾王母先  
葬夾城後移數步又次始遷葬於石塘河  
北岸故標曰石塘河北岸郭孺人墓也墓  
葬之時日改葬之時日俱載墓銘中用癸



山丁向丙子丙午分金地係買朱珍卿者  
計六畝五分東至朱宅西至韓宅溝心南  
至澗河北至朱宅墳界外其封樹馬鬣披  
圖瞭然

丘墓紀

康熙乙卯裔孫求可修錄

己巳裔孫志謹再修

菊花溝地方雙磚錐東邊

其地計東西二十二步南

北二十四步有石碣在上看墳人姓

子山午向四塚

康熙辛未裔孫志謹建靠

一世孝廉叔西公配韋氏合葬一塚

二世時貴公配盧氏合葬一塚



三世景春公配徐氏合葬一塚

三世景賢公配陶氏合葬一塚

關家橋地方大靠

其地計十畝東至西至南至北至看墳人姓張名

上有石碣外靠

申山寅向五塚

康熙癸亥裔孫志謹重建外靠

三世鄉飲賓景茂公配顧氏合葬一塚

四世廷秀公配王氏合葬一塚

五世樸菴公配石氏金氏共一塚

係五世樸菴公

之配樸菴公葬三里塘節孝祠旁未入此

五世逸菴公一塚

配曹氏葬於亥山已向大靠內

六世任周籛奉祠墨溪公配葉氏合葬一

塚

係樸菴公之次子

大門各塋

在關家橋地方

山向

五世樸菴公側室余氏一塚

葬張葵地方皮中地

甲山庚向



六世諱經一塚

係五世樸菴公之長子未娶

又大姑奶奶一塚

在東南角

共塚

二門各塋

在關家橋地方有墓

夷山已向

五世逸菴公配曹氏一塚

六世純齋公配朱氏合葬一塚

係五世逸菴公之長

子

六世坦齋公配朱氏合葬一塚

係五世逸菴公之次

子

七世任湖廣施州大使梅亭公配丘氏合

葬一塚

係七世桂泉公之長子

八世誠吾公配盧氏合葬一塚

係七世梅亭公之子

八世思泉公一塚

係七世少泉公之子

二門權厝四塚

山向



七世太學生桂泉公配李氏合厝一塚  
穴係五世逸菴公第二子  
中葬

山向

八世任廣東德慶州吏目少泉公配杜氏

合厝一塚

係七世桂泉公第二子

山向

七世鳳池公配金氏合厝一塚

係七世桂泉公第三子

子

山向

八世肖池公配胡氏合厝一塚

係七世少泉公子

又二門權厝四塚

甲山庚向

八世新予公一塚

係七世雲水公次子未娶

山向

九世萃宇公一塚

係八世肖池公長子

山向



九世冠寰公側室劉氏一塚

乙山辛向

十世修益公一塚

係九世冠寰公長子

八七里塘地方澗河南看墳人韓三

三門各塋

子山午向四塚

有靠

五世鄉飲賓冲菴公配何氏合葬一塚

六世太學生璧豐公配梁氏合葬一塚

七世憶豐公配張氏合葬一塚

七世太學生月山公配胡氏合葬一塚

乙山辛向二塚

有靠

八世太學生新川公配杜氏合葬一塚

九世楚穎公配許氏合葬一塚

乙山辛向

有靠

十一世邑庠生時宜公一塚

十癸山丁向二塚

有靠



十世誥封奉政大夫三錫公配姜太宜人

十一塚

穆側一塚

庚子庚午分金坐女十一度  
向柳十二度半

十一世奉政大夫福建督學道候補參議

密菴公一塚

昭係虛塚

癸山丁向二塚

有靠

九世叙寰公一塚

十世誥封奉政大夫福建提學道僉事三

錫公一塚

癸山丁向南首

十一世任山東卽墨縣二尹行宜公一塚

子山午向面前七塚

酉山卯向三塚

有靠

九世邑庠生際陽公配劉氏張氏合葬一

塚

十世安貞公配楊氏合葬一塚



十世郡庠增廣生國光公一塚

巽山乾向

十世見心公配張氏一塚

坤山艮向

十世郡庠增廣生國光公配張氏一塚

庚山甲向

十一世邑庠生子式公一塚

酉山辛向

十一世天民公配楊氏一塚

子山午向靠外左首二塚

庚山甲向

九世楚白公配丁氏合葬一塚

庚山甲向

十世邑庠生商賢公繼配吳氏一塚

子山午向靠外西邊三塚

子山午向

兼亥巳三分有靠



十世郡庠增廣生鄉飲介賓如之公配杜

子山氏合葬一塚

子山午向

九世邑庠生際陽公繼配胡氏一塚

子山午向

十一世邑庠生子憲公配杜氏一塚

祠堂後七塚

子山卯向

十世見心公一塚

九世冠寰公一塚

子山午向

十世見心公繼配朱氏一塚

子山午向

九世冠寰公配董氏一塚

子山午向

三門姑母一塚



三艮山坤向

十世郡庠生象九公配顧氏合葬一塚

次艮山坤向

十一世時中公配張氏合葬一塚

南荒塋三塚

山向

十世文止公一塚

十世山向

十世邑庠生商賢公配許氏一塚

山向

十一世天樞公一塚

又二塚

係七祖新買史得壽田二畝

乙山辛向

八世新盤公配胡氏一塚

八世新盤公葬江寧府鳳臺門

外

九世修甫公配張氏合葬一塚



又三塚

係官房自買吳自享地計十二畝  
東至楊宅西至周宅南至周宅北  
至大路

八乾山巽向

九世諱士達公一塚

十一世密菴公側室周氏一塚

七里塘澗河北

官房自買朱珍卿地計  
六畝五分東至朱宅溝  
心西至韓宅溝心南至澗河心北至朱  
宅墳界有靠

癸山丁向

丙子丙午分金坐女七度向  
柳十度

九世叙寰公配郭氏一塚

夾岡地

官房自置其地計 畝

十二世太學生勿弛配趙氏一塚



山陽陸氏族譜卷之八

跋

閱予家族譜知天報善人誠

絲毫不爽也蓋善人有功於

世者子孫必繁盛繁盛必昌

大予嘗云人果行善後必有

報如分金爐然火中煨煉必



復原質本金銀仍還爲金銀  
本銅錫仍還爲銅錫明白了  
然人可不修積乎予願後人  
體前人之修積兢兢培植檢  
點弗替勿因循勿自棄讀書  
者苦心鑽研貿易者專意經

營務農者勤力耕種總宜樂  
行善事廣積陰德以乘時有  
爲如新息侯誠子言效伯高  
不得猶爲謹勅之士效季良  
不得陷爲天下輕薄子此千  
古格言予敬奉揚何敢爲創



論哉聊綴此於後

十二代裔孫志寬敬述



山陽陸氏族譜後序

譜之義大矣哉間嘗歷考前  
之為譜系者必以眉山蘇氏  
為最書法備具其序宗支分  
合之條遠近親疎之別皆歷  
歷可引而觀也世之為譜者



必稽焉推其要夫惟定其可  
知而不妄援於已遠覈其所  
實而不輕遺於將來質而不  
誣詳而有序庶幾得之矣所  
以正倫旣相求通附於南杜  
之裔崇韜方貴乃垂涕於汾

陽之塚識者鄙之甚矣譜之  
重之當嚴且慎也吾陸氏相  
傳出宋丞相忠貞公後公世  
居鹽鹽與山咫尺疆相望也  
而序譜則必自叔西公始蓋  
叔西公自鹽始遷山邑也昔



尼父刪書斷自唐虞黃農之  
餘烈非無足述而卒不以疑  
似之端參後人之耳目者此  
爾先督學公凜此意而精覈  
之歷數十春秋編章屢絕故  
凡譜中所載生沒行列名字

顯晦信則書疑則闕委曲詳  
悉而編次始定迨及謹自愧

荒率惟恪循先矩昕夕與兩

弟寬默詳攷研求務以徵實

爲的而筆墨赴之揚不涉誇  
幽不涉淪匪徒彰前列之幽



芳實以冀後昆之警惕承先  
志也俾子若孫輩知先遠綿  
衍者幾何年宗祖積累者幾  
何代通顯榮蔭振家世大閱  
閱者幾何人支分派合上下  
親疎瞭若指掌焉抑更使賢

者知奮淬劒惜陰繼徽前軌  
龐者力業務本敦服孝友罔  
敢少慝繩繩振振不墮家乘  
而已是卽先督學公之所屬  
望亦卽謹輩之所深幸也至  
若譜系之必載其名世廬墓



之必詳其區隅葬厝之必紀  
其位向先範之必圖其標儀  
以及膳田書畝公役書門興  
建書地文獻贈言書事書名  
循實臚次歷歷具載俾高曾  
有清白之遺而雲耳無魯魚

之失夫抑定其可知覈其所  
寔質而不誣詳而有序是譜  
也庶幾近之矣若曰世系宏  
謨謹以一螳背而仔肩之則  
予小子何敢焉

康熙庚午花朝十二代孫志



謹百拜敬撰

字少字少





